



Llywodraeth Cymru  
Welsh Government

## **CWESTIYNAU CYFFREDIN AR GYFER STAFF IECHYD ASYMPTOMATIG SY’N GWNEUD PROFION LLIF UNFFORDD DDWYWAITH YR WYTHNOS**

### **1. Beth yw profion staff asymptomatig?**

O dan y strategaeth Profi Olrhain Diogelu, ac i gyflawni’r blaenoriaethau yn y strategaeth brofi, mae rhaglen genedlaethol wedi’i chyflwyno i brofi pob aelod o staff iechyd a gofal cymdeithasol sy’n ymdrin â chleifion a’r cyhoedd, ac sydd heb symptomau, ddwywaith yr wythnos gan ddefnyddio ‘dyfeisiau llif unffordd’. Mae’r dyfeisiau hyn, y gellir eu defnyddio gartref, yn rhoi canlyniad mewn 30 munud.

### **2. Pam ddylwn i gymryd rhan yn y rhaglen hon?**

Mae’r rhaglen hon yn cael ei chyflwyno er mwyn:

- Lleihau cyfraddau heintio yn eich cymuned
- Diogelu pobl sydd mewn mwy o berygl o gael eu heintio
- Atal a lleihau lledaeniad y feirws
- Darganfod pobl sy’n heintus ond sydd heb symptomau
- Sicrhau bod y system Profi Olrhain Diogelu yn gweithio yn fwy effeithlon gan y byddwch yn cael eich olrhain o’ch canlyniad prawf llif unffordd os yw’n bositif, pan fydd wedi’i uwchlwytho i’r porth

### **3. A wyf i’n gymwys i fod yn rhan o’r cynllun hwn ar gyfer staff iechyd a gofal cymdeithasol?**

Mae profion llif unffordd ar gael i bob aelod staff sy’n gweithio ym maes iechyd a gofal cymdeithasol mewn swyddi sy’n ymdrin â chleifion neu’r cyhoedd.

### **4. Oes rhaid imi gael prawf llif unffordd os oes gen i COVID-19, neu os wyf yn gwella ohono?**

Ni ddylech ddechrau cymryd rhan yn y cynllun profion llif unffordd ar gyfer staff heb symptomau os oes gennych COVID-19. Dylech aros 90 diwrnod ar ôl sylwi ar

symptomau neu ar ôl cael prawf positif cyn cymryd prawf llif unffordd i staff heb symptomau.

## 5. Pryd fydda i'n cael fy mhecynnau hunan-brawf llif unffordd?

Mae'r rhaglen yn cael ei chyflwyno gan Ymddiriedolaethau a Byrddau Iechyd, practisau gofal sylfaenol ac ysbytai annibynnol sy'n cymryd rhan yn y rhaglen, sy'n dosbarthu'r pecynnau profi i'w staff.

## 6. Sut fydda i'n cael fy asesu fel unigolyn sy'n gymwys i wneud hunan-brawf llif unffordd?

Cyn ichi ddechrau gwneud y prawf llif unffordd eich hun bydd angen ichi wyllo'r fideo hyfforddiant. Y ddolen ar gyfer y fideo yw <https://learninghub.nhs.uk/self-swab>. Os nad ydych yn teimlo'n gymwys i wneud y prawf eich hun am ryw reswm, a'ch bod eisiau rhagor o gymorth, siaradwch gyda'ch rheolwr llinell.

## 7. Pa bryd yw'r adeg orau i gymryd y prawf?

Dylech brofi eich hunan ddwywaith yr wythnos, bob tri i bedwar diwrnod, i gyd-fynd â'ch patrymau shifftiau a'ch diwrnodau i ffwrdd. Er enghraifft, dydd Mercher a dydd Sul, neu ddydd Llun a dydd Iau. Dylech gymryd y prawf mewn da bryd cyn eich shifft i roi amser i'ch rheolwr ddod o hyd i rywun i wneud eich shifft os oes angen (e.e. y noson cyn eich shifft bore, neu'r bore cyn eich shifft prynhawn). Bydd angen ichi aros 30 munud ar ôl cymryd y prawf i ddarganfod y canlyniad. Gwnewch yn siŵr bod gennych ffôn clyfar neu ddull arall i gofrestru eich dyfais llif unffordd a chofnodi canlyniad eich prawf mewn 30 munud.

## 8. Sut ydw i'n uwchlwytho fy nghanlyniad prawf llif unffordd?

Dylech uwchlwytho eich canlyniad prawf llif unffordd drwy fynd i wefan gov.uk <http://www.gov.uk/report-covid19-result>

Mae cyflwyniad PowerPoint wedi'i amgáu sy'n esbonio'r broses gofnodi.

Ar gyfer pob prawf a wneir, mae'n hanfodol bod y ddyfais brofi wedi'i chofrestru a bod canlyniad y prawf (boed yn bositif, negatif neu'n annilys) yn cael ei gofnodi fel bod yr holl ganlyniadau'n cael eu cynnwys ar y system a bod modd **olrhain cysylltiadau ar gyfer achosion positif o COVID-19**.

- Mae'r dewisiadau ar gyfer staff sy'n gweithio i Ymddiriedolaethau a Byrddau Iechyd Lleol wedi'u hamlygu'n goch yn y PowerPoint
- Mae'r dewisiadau ar gyfer staff sy'n gweithio i Awdurdodau Iechyd Arbennig wedi'u hamlygu'n wyrdd yn y PowerPoint
- Mae'r dewisiadau ar gyfer staff sy'n gweithio mewn lleoliadau gofal sylfaenol wedi'u hamlygu'n las yn y PowerPoint atodedig
- Mae'r dewisiadau ar gyfer staff sy'n gweithio i ysbytai annibynnol wedi'u hamlygu'n borffor yn y PowerPoint atodedig
- Mae'r dewisiadau ar gyfer staff sy'n gweithio i Arolygiaeth Gofal Cymru (AGC) ac Arolygiaeth Gofal Iechyd Cymru (AGIC) wedi'u hamlygu'n llwyd yn y PowerPoint

Mae tudalen 3 y porth yn ymwneud â'ch cod post gwaith. Ar gyfer staff sy'n gweithio mewn gwahanol safleoedd neu leoliadau, trafodwch gyda'ch rheolwr llinell pa un yw'r cod post mwyaf addas i chi.

Mae gweddill y porth yn hunanesboniadol.

Mae'n hanfodol eich bod yn uwchlwytho eich canlyniad, pa un a yw'r canlyniad yn bositif, yn negatif neu'n annilys. Dilynwch y cyfarwyddiadau ar y porth yn dibynnu ar eich canlyniad.

### **9. Beth ddylwn i ei wneud os bydd fy mhrawf llif unffordd yn bositif?**

Os byddwch yn cael canlyniad positif i brawf llif unffordd, mae'n hanfodol eich bod yn hunanynysu a threfnu prawf PCR dilynol ar unwaith:

- Dylai'r prawf PCR dilynol gael ei wneud o fewn 24 awr i'r prawf llif unffordd.
- Cynghorir eich bod yn cael prawf PCR dilynol gan ei fod yn cael ei brosesu mewn labordy sy'n golygu bod modd edrych ar ddilyniant genom y sampl am unrhyw amrywolion sy'n peri pryder a monitro unrhyw newidiadau yn natur y feirws.
- Os bydd y prawf PCR hefyd yn bositif, rhaid i chi barhau i hunanynysu am 10 diwrnod o ddyddiad y prawf llif unffordd gwreiddiol.
- Os bydd y prawf PCR yn negatif, ac os y cafodd ei wneud o fewn 24 awr i'r prawf llif unffordd, ni fydd yn ofynnol i chi a'ch cysylltiadau barhau i hunanynysu.
- Os bydd y prawf PCR yn negatif, ond y cafodd ei wneud fwy na 24 awr ar ôl y prawf llif unffordd gwreiddiol, rhaid i chi a'ch cysylltiadau barhau i hunanynysu am y 10 diwrnod llawn o ddyddiad y prawf llif unffordd gwreiddiol. Y rheswm am hyn yw bod y cyfnod rhwng y ddau brawf yn rhy hir i allu bod yn hyderus bod y prawf llif unffordd positif yn anghywir.
- Os na fyddwch yn gwneud prawf PCR dilynol, bydd gofyn i chi hunanynysu am 10 diwrnod.
- Os ydych wedi cael canlyniad positif i brawf llif unffordd neu brawf PCR ac wedi gorfod hunanynysu am 10 diwrnod, fe'ch cynghorir i beidio â gwneud rhagor o brofion am gyfnod o 90 diwrnod (oni bai bod symptomau newydd yn datblygu).

### **10. A gaf i uwchlwytho fy nghanlyniad gan ddefnyddio ffôn symudol?**

Gallwch uwchlwytho eich canlyniad ar eich ffôn symudol os oes gennych fynediad i'r rhyngwrwd/signal 4G. Gallwch hefyd ddefnyddio gliniadur, cyfrifiadur neu ddyfais llechen.

### **11. Beth os nad oes gennyf fynediad i'r rhyngwrwd?**

Os nad oes gennych fynediad i'r rhyngwyd, gallwch uwchlwytho eich canlyniad drwy ffonio 119. Rydym yn annog cymaint o bobl â phosibl i uwchlwytho eu canlyniad ar y rhyngwyd ond dyma'r dewis ar gyfer pobl sydd heb fynediad i'r rhyngwyd.